

## Ronnie Belcher (1933-2006)



Prof Ronnie Belcher, bekende Stellenbosser, akademikus, digter en Oudmatie, is onlangs oorlede. Prof Belcher was etlike jare die vriendelike Goewerneur Simon van der Stel by Stellenbosch se dorpsfees.

Hy het in 1951 aan die US begin studeer en verwerf later die grade BA, BAHons, MA en DLitt. As akademikus is hy hoof van die departement Afrikaans en Nederlands aan die Universiteit van Wes-Kaapland, van 1974 - 79 senior publiseitsbeampste by die US (waartydens hy ook redakteur van *Matieland* was) en vir twee jaar bestuurder van die Universiteitskoor en die US Blaasorkes, en van 1980 - 1987 senior lektor aan die Universiteit van Natal. Hy tree af by die Universiteit van Bophuthatswana as hoof van die Departement Afrikaans.

Belcher het uitgebreid navorsing gedoen oor die multikulturele oorsprong en ontwikkeling van die Afrikaanse taal en kultuur. Hy was ook lid van die Afrikaanse Skrywersgilde. Etlike eretoekennings het sy kant toe gekom en die Griekwa-gemeenskap het hom erelid gemaak.

Ronnie, wat 18 digbundels gepubliseer het waaronder vyf kinderbundels, het altyd die indruk gewek dat hy die lewe speels benader.

## Dr PW Botha (1916-2006)



'n Voormalige kanselier van die Universiteit Stellenbosch, dr PW

Botha (90) is op 31 Oktober oorlede. Dr Botha is 'n voormalige Eerste Minister en President van die Republiek van Suid-Afrika en het die amp as kanselier van die Universiteit van 1984 tot 1988 bekleed.

Die Universiteit het sy meegevoel met die familie van dr Botha uitgespreek en gesê dat hy die akademiese ideaal van die Universiteit, naamlik om een van die beste instansies van hoër onderwys in die land te word, ondersteun het.

Dr Botha was self nie 'n oudstudent van die Universiteit nie, maar sy eerste vrou, mev Elize Botha, was wel 'n Matie wat haar BA-graad in die vroeë veertigerjare verwerf het. Mev Botha is in 1997 oorlede.

Drie van dr PW en mev Elize Botha se kinders en twee skoonseuns het op Stellenbosch studeer.

Dr Botha het in Maart 1976 'n eredoktorsgraad van die destydse Kanselier, dr BJ Vorster ontvang. Dr Botha, die Universiteit se tiende kanselier, is deur dr JG van der Horst as Kanselier opgevolg.

*NOTA: Dit is gebruik by die Universiteit dat 'n persoon wat 'n eredoktorsgraad van die Universiteit ontvang het, as Doktor aangespreek word, al het die persoon nie self 'n doktorsgraad verwerf nie.*

(Foto: Die Burger)

## Johann Pfuhl (1951 - 2006)



'n Besondere oudinwoner van Huis Visser en kwadrupleeg, Johann Pfuhl (54), is vroeër van-

jaar oorlede. Johan het in 1971 'n ernstige nekbesering opgedoen en moes die US tydelik verlaat om 'n nuwe lewe in die Conradie Hospitaal te begin. Hy verloor nie moed nie en met die liefdevolle ondersteuning van sy ouers keer hy terug US toe en behaal sy BA in 1974. Omdat hy nie sy ledemate kon gebruik nie, was sy ma sy "ledemate". Sy het hom by die voorlesings gebring en ook die bladsye van sy voorgeskrewe boeke vir hom omgeblaai as hy wou studeer.

Hy behaal ook sy LLB deur Unisa en bekwaam homself as advokaat. Na 'n groot stryd met die destydse Staatsdiens maak hy geskiedenis deur een van die eerste persone te word wat as kwadrupleeg as advokaat toegelaat word. Tot onlangs nog het hy deelyds in dié hoedanigheid gepraktiseer.

Johann was 'n entrepreneur by uitnemendheid. Hy was tot sy dood voorsitter van die Wes-Kaapse Kwadruplegiese Vereniging – 'n toonaangewende welsynsorganisasie in Suid-Afrika. Hy was ook die bestuurder van 'n posversendingsdiens wat die verspreiding van pos van die Kaapse munisipaliteit hanteer, en by dit alles het hy ook 'n steenmakery begin.

Hy het ook in samewerking met die Kaapse Skiereiland Universiteit van Tegnologie beywer vir die ontwikkeling van 'n akademiese program vir die opleiding van gestremde entrepreneurs.

## Willie Jonker (1929-2006)



Die prominente predikant en teoloog, prof WD (Willie) Jonker (77), is in Augustus 2006 in die

Strand oorlede. Behalwe vir sy bekendheid as akademikus en skrywer, word prof Jonker veral onthou vir die standpunt wat hy teenoor apartheid ingeneem het en vir die skuld-erkenning wat hy namens die NG Kerk tydens die sg Rustenburg-beraad in 1990 gedoen het.

Prof Jonker, wat regdeur sy bediening 'n voorstander van 'n onverdeelde NG Kerk-familie was, het vir twee termynne as Dekaan van die Fakulteit Teologie aan die Universiteit Stellenbosch gedien en was die outeur van talle boeke oor die teologie. Prof Jonker het ook drie doktorsgrade – van die Universiteit van Stellenbosch (1997), Potchefstroom (vandag die Noordwes Universiteit), (1999) en die Vrystaat (2004) – ontvang. Die Andrew Murray Prys vir Teologiese publikasies is in 1991 en weer in 1997 aan hom toegeken.

In 'n huldeblyk aan prof Jonker, het prof Russel Botman, President van die Suid-Afrikaanse Raad van Kerke en Viserektor (Onderrig) aan die US gesê dat die vryheidsvraag die bybels-teoretiese onderbou van Willie Jonker se lewenswerk gevorm het. "Mense soos Willie Jonker wat die weerlose keuse vir die vryheid maak, gaan soek hul heimat in die sferes waar die vryheid heelbeste behoort te gedy: die kerk en die universiteit. Die kerk is immers die ruimte waarbinne die vryheid van die gewete gekoester en verdedig moet word. Die universiteit is immers die instelling wat in die bresse tree vir die akademiese vryheid."

Volgens prof Botman was prof Jonker geseën met baie vryheidsmomente en dat die Rustenburg-geleentheid vir altyd sal uitstaan: Op Rustenburg het Jonker vorendag gekom met 'n waterskeidingsbelydenis: "I confess before you and before the Lord, not only my own sin and guilt, and my personal responsibility for the political, social, economical and structural wrongs that have been done to many of you and the result of which you and our whole country are still suffering from, but vicariously I dare also to do that in the name of the NGK of which I am a member, and for the Afrikaans people as a whole."

**Mnr IJ (Izak) Bester** van Kirstenhof (63). Oud-inwoner van Helderberg. Verwerf sy BSc Ing-graad in 1950.

**Ds PS (Paul) Bester** van Jeffreysbaai (80). Verwerf sy BA in 1948 aan die US. Hy was ook predikant in Kanoneiland, Thornton, Gochas (Namibia) en Williston.

**Prof Ronnie Belcher** van Stellenbosch (73). Verwerf sy BA Hons en MA en DLitt in 1962.

**Mnr TNG (Tom/Thomas) Boshoff** van Volksrust (68). Oud-inwoner van Dagbreek en Helderberg. Verwerf sy BSc,Blng in 1960.

**Prof LC (Lionel) Bowman van Seepunt** (87). Was dosent aan die Konservatorium en het internasionale aansien as konsertpianis geniet.

**Dr PL (Pierre) Bredekamp** van Boston, Bellville (48). Oud-inwoner van Wilgenhof. Verwerf sy BA in 1981 en sy HOD in 1982. Was ten tye van sy dood die inwonende hoof van Hippokrates op die Tygerberg-kampus, opvoedkundige en koördineerder van die verlengde graadprogramme op Tygerberg.

**Mev A (Anzabeth) Bruwer (née Kruger)** van Bellville (49). Oud-inwoner van Huis Neethling. Verwerf haar B Huishoudkunde-graad in 1978 en werk in Johannesburg by Nasionale Opvoeding tot 1984.

**Dr SM (Sevérus) Cerf** van Somerset-Wes (83). Verwerf sy BA in 1943, sy SOD in 1944, MEd in 1954 en DEd in 1965.

**Mev M (Marita) Henning (née van Aarde)** van Pretoria (63). Oud-inwoner van Monica. Behaal haar BSc-graad in 1965. Werk by die WNNR tot 1997 waar sy haar loopbaan afsluit as Kommunikasiebeampte.

**Mnr JJ (Hans) du Plessis** van Somerset-Wes (70). Oud-inwoner van Dagbreek. Verwerf sy BA-Regte in 1955, Bluris 1959 (UP) en sy LLB in 1967 (Unisa). Was staatsprokureur in Pretoria en later Adjunk-Direkteur-Generaal in die Departement van Justisie.

**Ds AJ (Cobus) de Klerk** van die Strand (70). Verwerf die grade BA (1962), BTh (1965) en sy Lis Teol in 1966. Was predikant in Gobabis, Villiersdorp en in Windhoek. Dien ook lank op die Kuratorium van die Kweekskool.

**Mnr AM (Mike) de Villiers** van Lynnwood (91). Oud-inwoner van Dagbreek. Verwerf sy BSc (Bosbou)-graad in 1935. Was 'n voormalige direkteur by die Bosbouprodukte Navorsings-instituut in Pretoria. Veral bekend vir die berg-pas by Cathedral Peak in die Drakensberge wat hy tussen 1938 en 1949 help bou het.

**Mev ME (Maria) du Toit** van Somerset-Wes (84). Oud-inwoner van Harmonie. Verwerf haar BA in 1941 en haar SOD (nagraads) in 1942.

**Dr GL (Gerrit) de Kock** van Kathu (60). Behaal die grade BHons, MA en DPhil aan die US. Tussen 1971 en 1985 was hy dosent in Geografie en van 1986 tot 1989 ook senior lektor in Afrikastudie by die US. Hy vestig hom in 1990 Kathu waar hy ten tye van sy dood Bestuurder: Gemeenskapsontwikkeling en Kommunikasie by die Sishenmyn was.

**Mnr SJ (Fanie) Delpont** van die Strand (80). Verwerf sy BComm-graad in 1947 aan die US. Het geboer in Caledon waar hy 'n leidende rol in die gemeenskap gespeel het.

**Dr WL (Lou) Hofmeyr** van Pretoria (98). Verwerf sy BSc in 1928, sy MSc in 1929 en sy SOD in 1931. Was verbonde aan die Weerburo en besoek Antarktika en vyf ander kontinente.

Skrywer van drie publikasies na sy aftrede op 70, onder meer oor die heelal op 92-jarige ouderdom.

**Mnr R (Roelof/Hollie) Hollenbach** van Johannesburg (65). Oud-inwoner van Dagbreek. Verwerf sy Blng-graad in 1962.

**Adv JS (Steve) Janson** van Vredehoek (60). Oud-inwoner van Simonsberg. Verwerf sy BA in 1967 en sy LLB in 1969.

**Mnr RM (Ralph) Johnson** van Vanderbijlpark en Windsor in die Verenigde Koninkryk (24). Verwerf sy BComm-graad in 2003 aan US. Gradueer in 2003 aan die US en skryf in by die Britse leër se militêre kollege, die Royal Military Academy Sandhurst. Hy doen aktiewe diens in Afghanistan en sterf in 'n granaataanval op 1 Augustus. Volgens berigte in die Britse media was hy besonder gewild onder sy vriende en kollegas.

**Prof WD (Willie) Jonker** van die Strand (77). Was dosent aan die US by die Fakulteit Teologie aan US. (Sien artikel).

**Mnr JH (Jan) Joubert** van Stellenbosch (voorheen Namibië) (59). Verwerf sy BA in 1974. Wyd bekend in 4x4 geleedere en as natuurliefhebber, bewaringskundige, toerleier en skrywer.

**Mnr APR (André) Kellerman** van Stellenbosch (64). Oud-inwoner van Dagbreek. Verwerf sy BA in 1963, HonsBA (1965) en sy MA in 1968. Was werksaam by die Buro vir Sosiologiese Navorsing, die Raad vir Geesteswetenskaplike Navorsing en later by Unisa. Was vanaf 1973 tot 1995 verbonde aan die US as senior lektor in die Departement Sosiologie. Was ook betrokke by genealogiese navorsing.

**Mnr J (Jacques) Kleynhans** van Port Elizabeth (36). Oud-inwoner van Huis Visser. Verwerf sy BA in 1992 en sy HonsBA in 1994.

**Mnr LP (Lourens) Liebenberg** van Worcester (62). Oud-inwoner van Wilgenhof. Verwerf sy BSc Blng. in 1967.

**Mnr R (Riaan) Loots** van die Strand (25). Het vir Maties Onder 19 A1 en Onder 20 A1 gespeel terwyl hy besig was met sy BComm.

**Ds AD (Danie) Lückhoff** van die Paarl (57). Oud-inwoner van Dagbreek. Was predikant van die Strooidak-gemeente in die Paarl.

**Mev SCM (Sibs) Marais (née Botha)** van Waterkloof, Pretoria (93). Verwerf haar BA-graad in 1936 en haar SOD in 1937.

**Mev W (Helmenie) McDermid (née Roux)** van Oudtshoorn (89). Oud-inwoner en primaria van Monica en lid van die Studenteraad. Verwerf haar BA met Liggaamsopvoeding in 1936 en 'n Diploma in Onderwys in 1937. Werk op Lady Grey en daarna in die Paarl en Wellington.

**Dr BM (Bernard) Musembi** van Pinelands (47). Verwerf sy MTh-graad in 1997 en sy DTh-graad in 1999.

**Mev S (Stephanie) Muller** van Kuilsrivier (77). Voormalige Inwonende Hoof van Harmonie tussen 1979 en 1994.

**Ds TS (Themba) Nyatyowa** van Kuilsrivier (61). Was 'n groot rolspeeler in die kerkherenigingsproses en was werksaam as skriba en vertaler van die VGK-Kaapland.

**Mnr HGM (Hellmut) Neumeister** van Namibië (74). Verwerf sy BSc in 1958 en sy Blng in 1959. Was 'n stigterslid van die US se sokkerklub en aktiewe speler. Doen na sy studies konstruksiewerk by verskillende firmas.

Werk vanaf 1968 in Namibië by die Departement Paaie en Waterwese.

**Ds HTS (Henry) Page** van Grootfontein (74). Voltooi sy Teologiese studies in 1963.

**Mnr A (André) Pienaar** van Vereeniging (65). Oud-inwoner van Simonsberg. Verwerf sy BComm in 1961.

**Mev AH (Alta) Pool (née Kolbé)** van Stellenbosch (64). Oud-inwoner van Harmonie en Sonop. Verwerf 'n BA-graad (Geografie en Geskiedenis) en SOD.

**Prof FJ (Frederik) Potgieter** van Somerset-Wes (84). Verwerf sy MA-graad en sy SOD (nagraads) in 1941.

**Prof NF (Niek) Pretorius** van Kuilsrivier (66). Verwerf sy BA in 1972, BTh in 1975, HonsBA in 1976, MTh in 1976, MA in 1979 en sy DLitt in 1985.

**Mnr JP (Johan) Roux** van Linden, Pretoria (61). Behaal sy BA in 1965 en sy HonsBA in 1966. Was 'n bekroonde Afrikaanse advertensiekopieskrywer vir die televisie, radio en gedrukte media.

**Prof APG (Gerhard) Söhnge** van Somerset-Wes (92). Oud-inwoner van Dagbreek. Verwerf die grade BSc in 1933 en MSc in 1934.

**Dr AC (Abrie) Schmidt** van Bellville (57). Oud-inwoner van Huis Marais. Verwerf sy BSc in Landbou in 1971, sy MB, CHB in 1977 en sy MMed in 1984. Was beskou was een van die voorste androloë en uroloë in die land en het 'n reuse bydrae gelewer op die gebiede van kliniese dienste, studente-onderderrig en navorsing. Hy was 'n senior spesialis by die Departement urologie en was hoof van die nieroorplantingsprogram.

**Mnr J (Jan) Tait** van Lynwoodrif (29). Oud-inwoner van Eendrag. Verwerf sy Blng-graad in 1998 en sy MIng in 2000.

**Ds JM (Jakobus) van den Berg** van Sinoville (95). Verwerf sy BD in 1937 aan die US

**Ds DC (Dirk) van Dyk** van Rosebank (96). Oud-inwoner van Hombré. Verwerf sy BA in 1942.

**Mnr F (Felix) van Heerden** van Valhalla (79). Oud-inwoner van Wilgenhof. Verwerf sy BSc in 1947 en sy BSc Ing. in 1950.

**Mnr E (Eben) van Loggerenberg** van Erasmusrand (27). Verwerf sy BComm in 2004.

**Prof W (Willie/Willem) van Wijck** van Stellenbosch (52). Oud-inwoner van Dagbreek. Verwerf sy Blng (1976), MIng (1983) en PhD (1989) aan die US. Hy het vir Krygkor gewerk en was daarna in die Departement Bedryfsingenieurswese werksaam waar hy later as medeprofessor aangestel is.

**NOTA:** *Matieland* huldig graag oudstudente wat oorlede is, maar benodig sover moontlik volledige inligting. Dit sluit in volle name, van (en nooiensvan indien van toepassing), geboortedatum, datum waarop persoon oorlede is, grade behaal aan die US (of ander verbintenis, bv. ontvangers van eregrade wat nie hier studente was nie) en 'n kort beskrywing van die persoon se beroepslewe. Foto's is ook welkom, maar plasing hiervan hang af van die hoeveelheid spasie wat beskikbaar is. Stuur asb die inligting na me Malena Fourie van die Alumni-kantoor by tel (021) 808 4843, faks (021) 808 3026 of per e-pos by alumni@sun.ac.za.